

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : IR. SHAHARUDDIN BIN ISMAIL
[KANGAR]**

TARIKH : 12 JUN 2014

SOALAN :

Ir. Shaharuddin bin Ismail [Kangar] minta **PERDANA MENTERI** menyatakan berhubung Projek Perumahan Penjawat Awam 1Malaysia (PPA1M) yang telah dilaksanakan secara perkongsian awam swasta di Putrajaya dan adakah Kerajaan bercadang untuk meluaskan pembinaan Perumahan Penjawat Awam di negeri-negeri lain bagi membantu mengurangkan masalah perumahan khususnya golongan penjawat awam yang masih belum memiliki kediaman sendiri.

**JAWAPAN: YB SENATOR DATO' SRI ABDUL WAHID OMAR,
MENTERI DI JABATAN PERDANA MENTERI**

Tuan Yang Di Pertua,

Untuk makluman Ahli-Ahli Yang Berhormat, kerajaan telah memperkenalkan PPA1M bagi mengatasi isu pemilikan rumah di kalangan penjawat awam terutamanya yang berpendapatan rendah dan sederhana. Definisi penjawat awam dalam program ini ialah:

- (i) seorang anggota Perkhidmatan Awam (definisi mengikut Perkara 132 Perlembagaan Persekutuan) yang termasuk anggota beruniform seperti tentera dan polis; **atau**
- (ii) seorang anggota badan-badan berkanun Persekutuan (BBP) dan badan-badan berkanun Negeri (BBN) termasuk Pihak Berkuasa Tempatan (PBT).

PPA1M akan dibangunkan di lokasi yang diluluskan oleh Kerajaan berdasarkan permintaan yang munasabah. Dalam hal ini juga, sebelum sesuatu lokasi PPA1M dimuktamadkan, agensi pelaksana akan melaksanakan kaji selidik yang terperinci berkaitan permintaan dan penawaran bagi menentukan bilangan unit yang akan dibangunkan serta mengenal pasti tanah/tapak projek yang bersesuaian. Pendekatan ini adalah terpakai di seluruh negara termasuk Sabah dan Sarawak. Pada masa ini, perancangan program ini adalah tertumpu di kawasan Wilayah Persekutuan Kuala Lumpur dan Wilayah Persekutuan Putrajaya.

Sekian, terima kasih.